

Yohani Meyene

Lelɛɛ rítelɛ ntí kɛmɛɛ n̄ we

Yohani yɛɛ rítelɛ ntí wóí. Kumúnjé kpe-i kuu rítelɛ ntí n̄ wólu, míni kɛpáápáá kɛt̄ k̄ kapi yɛ n sée rɛ Patimɔsi-i kuú pɛé we. Pɛɛ mɛkɛɛ Asii kɛteni-i, kuwélé kunyine-i kake ketunjeleem-m̄ɛ we. Kumúnjé kpe-i kɛ Rɔm uyɔɔpi uú pɛɛ Kirisi pikó wéékusɛlɛ. Uléécɛɛ icápine isɛɛi inyine kuu rítelɛ wólu. Méyene kulúí kɛ Yohani uu n yénti tɛ Yeesu nɛ upikó yɛ mɛwɛi kópe linaɲɛ-naɲɛ feriyɛ nɛ kɛtɔ-pɔ nkó kɛ méyene m̄ɛ amɛ s̄ímisi.

Ifaaci iyɛ mɛkériine yɛ mmé:

1. Yohani yɛ umɛcirɛ leɛ uu nyíɛ rɛ u Kirisi yɛɛ nkpɔ kɛmɛɛ n yisi utumɛ lɛ (1:1-8).
2. Atelɛ aɛɛi kapi Uléécɛɛ icápine yɛɛ pɛɛ mɛkɛɛ Asii kɛteni-i n̄ wɛ n wóí (1-3).
3. Yeesu yɛ mɛwɛi kópe linaɲɛ-naɲɛ feriyɛ (4-20).
4. Kɛt̄ falɛ kɛ Uléécɛɛ uu pilésɛmɛ n̄ la kai áyu tɔɔɔ kɛmɛé nɛ mánɛ: lelɛɛ keyómɛɛɛɛ falɛ nɛ kɛt̄ falɛ nɛ Yerusalem falɛ (21-22).

Yeesu yɛ umɛcirɛ Yohani nyíɛ

¹ Méyene kɛ Uléécɛɛ uu Yeesu Kirisi n yéneise rɛ uké upikɛikó lelɛɛ nfáani n s̄ónti nyíɛ. L̄ɛ kuú nɛ uutumɛ n tummɛ rɛ uké uukɛikó Yohani nyíɛ.

² Yohani yɛ l̄ɛ nn̄í kɛ Yeesu Kirisi uu u n nyíɛ yenlɛ uu kɔ yóɔ rɛ Uléécɛɛ Nsímé yɛ mu.

³ Uyɛɛ nsímé mmú n̄ k̄éni nɛ pɛpɛɛ anóɔ nnyé nyɛɛ lelɛɛ masí kɛpire-pɔ n wainɛ nkó kutu n cólɛ pin

κὼ λελεε νκεμεε n wólaalẽ múílẽ ye pínarekome le! Li we re itunje ye tula.

Pi Uléécaa icápine iseei yáasi

⁴ Nế Yohani, née Uléécaa icápine iseei iyee Asii kuwée-mẽ ní we wolu nen i yáasi. Uyee ní we, un kò ppe mekke-me we, un kò weme, ne ifáa iseei iyee uriyoo pitũ keyu-i n tũ piké ípeelée ne nkíninje nó nyíse.

⁵ Yeesu Kirisi ye úseérakó le ye nsímései m má. Uyee pikpòkpò kecòpe mefoi nfáa yẽ. Uyee ketẽ nté piyoo pi uwéese.

Uyee ró la uu umenye ne arókòpe heere.

⁶ Uu tíyese ari panse mpuri mee Usáa Uléécaa inyóonse n wai. Uyee ríyu ne n-yóopinaje te nípá píyei-pò. Amí.

⁷ Uyee nkó ahope kémée weme. Mpá úye ye u yenune, aí ne ppepe uilúké n luri péne. Ketẽ nnéi isoipuri yé uyẽ nnya nkpò tone. Eee, lee ni, amí!

⁸ Upiima, Uléécaa ye ma re:

Née Ufoi ne Utóro, uyee ní we un kò ppe mekke-me we, un kò weme, rínanje nnéi Ute.

Lẽ ke Kirisi uu Yohani n nyíse

⁹ Nế, nóunémárecò Yohani, tó ne nnó tóo kesé Uléécaa iyoo pi kémee ní we, tó ne nnó ye íwe lele ton ne Kirisi kupéneco kémée ñmópúlẽ. Míni kepáápáá ketẽ kapi ye n see re Patimosi kémee kapi ne rínanje né ha re ne Nléécaasimé yóólẽ nen kò Yeesu kecáá aseéra lese nnya.

10 Nfáasone nn Upíima keyaa ketúnjé kenécáá súiri, am pɛe kenépirɛ-mě metě menyine kom men calě yare rináatónj metě,

11 men tee re: A lě kaa nní ní nyáni rítélé rinyine kémee wói aa Uléécaa icápine iseei iyě papo. Iyee nní Efesi ne Simirini ne Perikam ne Tiyatiiri ne Sariteesi ne Filatelifii ne Lawutisee ikó.

12 Aḿ ημεελύ ké uyee ne né n símisi yě. Kam tíημεελύ, am sífiráa sitosi siseei kapí ne wura n wa yenu.

13 Unyine ye kesoipipi ne menyine ní we un sífiráa sitosi sě kecɔpe we. Kutúkanka caacaa kuú pɛe tanaalě un tikínj kecáá kútampálá kapi ne wura n wa télě.

14 Uriyu ne unnyúpi ye wariyele yare nkume tomé, née yare mpáhamɛ. Uinipɛɛ ye we yare inalempi,

15 uana an we yare nweni ηmɔhɔ mee n wa yare n nna kémee riwónjɔle, umetě pón we yare míni píima menyine iwɔɔ.

16 U pɛe ukunipe luke-luke ne awárepi aseei múilenle, titéhe ne kenóopi píj-píj ne meyele meté tin unnɔ-i léeri. Ukeyu ye pɛé wele yare ntunje mee toɛ.

17 Kam u n yě, am uana metene lolu yare ne kpule. Uu pɛe ukunipe luke-luke kenécáá láa uu re: Iwame íi kape pɔ wa! Née Ufoi ne Utóɔɔ,

18 nen kɔ nfáa má. Ne pɛe kpule, amá née nkó ne nnéfáa mpá píyei-pɔ. Ne nkɔ ne pikɔkɔ keló kehánne múilenle.

19 Lě nnya, a lě kaa n yě wói, lelee ní we ne lelee masí kɛpire n sónti.

20 Awárepi aseei nyě kaa kunénipe luke-luke

kémee n yé ne sífiráa siseei sitəsi sē kapí ne wura n wa asei nyee m pékaalē ye nnyé: Awárepi aseei nyee piléecaatume le pree Uléecaa icápine iseei iyē kecáá m páilē. Sífiráa siseei sitəsi sē pǒ ne Uléecaa icápine iseei le.

2

Nsímé kapi Uléecaa icápine iyee Efesi-pò ní we n wǒipò

¹ A uléecaatume yee Efesi-pò Uléecaa icápine kecáá m páilē wǒipò re uyee awárepi aseei ukunipe luke-luke kémee m múlē, uyee sífiráa sitəsi siseei sē kapí ne wura n wa kecòpe n sòne ye maa re:

² Ne mepówai ne pipókèi ne pipóhómópú nyule. Ne nyule re áa ye pikpááree kecáá rikpá. Pò pèpèe n tee re pi pitume le ápi kò pree pitume peenule aa yénu re pinóome ye pi.

³ Pò hómópúlenle. Pò rinényiri nnya íwe lile ái kò pree pǒ feriyè.

⁴ Amá mmē kamí ne pǒ n cési yee re áa nkpéni ríla foí kaá pree m má kénécáá má.

⁵ A léise kei kaa n loó, aa apókòpe kepire tò, aa mepówai foí piwai pèle. Insá lē, né kepóméé kam am kópófiráa ketəsi keketone-i yukuse, in te áa apókòpe kepire rito.

⁶ Amá lelee kepómee ní nyamí yee re pò Nikolayitiye mewai kesule yare ke née kò me n késu mēcò.

⁷ Uye un ukóme, uké lē ke Nfáasone nn Uléecaa icápine n símisi kutu ricò. Nkó yee n feriyè kam kuléé kpèe ye nfáa n he kun Uléecaa kémee-pò we apipi pane uké li.

Nsimé kapi Uléécaa icápine iyee Simirini-pɔ ní we n wáipɔ

⁸ A uléécaatumε yεε Simirini-pɔ Uléécaa icápine kecáá ní paílē wáipɔ re Ufoí ne Utórɔɔ, uyεε ppe n kpu uu nkpéni ppeeri un nfáa má ye maa re:

⁹ Ne mpótóosi píima-i kaa ní we ne ipówε kaa m má nyule, pɔn kɔ ne umámá. Ne kɔ nkópe ke pεpεε n tee re pi Pisui fi le api kepócáá n símaankεε nyule. Pi kɔ ppe Setani icápine pikó le.

¹⁰ Kape íwε iyē kaa n lenε kewu u n túúni. A kɔ te kuníri yé nókεnéɔpe pinyine kukpaniilee tā kuké ne nó m peikεε nnya. Li yé kɔ siyáa kefi kέmεε nó wéékuse. A aseí ritiki, nípa lin nkɔpɔ ye mu, ké ppe nfáa pɔ he re pɔ feriyε nnya.

¹¹ Uye un ukómε, uké lē ke Nfáasɔne nn Uléécaa icápine n símisi kutu ricɔ. Nkpɔ lírū nín uyεε n feriyε líka wainε.

Nsimé kapi Uléécaa icápine iyee Perikam-pɔ ní we n wáipɔ

¹² A uléécaatumε yεε Perikam-pɔ Uléécaa icápine kecáá ní paílē wáipɔ re uyεε ritéhe ne kenóopi pírí-pírí ne meyele meté m má ye maa re:

¹³ Ne nyule kei kaa ní we. Kei ke Setani riyɔɔpitū pɔɔ kɔ we. Aa rinényíri kesí, áa kɔ kefa kaá ne né n tenelē fóm, nípa siyáa se-i kapi unékeikó Antipaasi yεε aseí n tíkílē nókεnémεε kei ke Setani uu ní we ní kpu.

¹⁴ Amá mmē kamí ne pɔ n cési ye kɔ ppe mmú re: Písoi ye kei we, pin Palam icélaa múílē. U Palaki cési re uké ripine wa Isirayeli sipipi siké inyónsesare li siké kɔ iwásánkaí n wai líké ne kelólé-mē si ha.

15 Limεcɔ ke pɔɔ kɔ pɔsoi má ppe Nikolayitiye icélaa n tikiłē.

16 Lē nnya, a apókope kepire rito, insá lē né kepómee hapɔ am titéhe kam nnó-i n wailē ne atopi pɔ wai.

17 Uye un ukóme, uké lē ke Nfáasone nn Uléécaa icápine n símisi kutu ricɔ!

Nkó yee n feriyε kam Uléécaa iluke * yee m pékaalē ne ripare tomé hene. Tinyíri fale rinyine tee ripare tē kecáá wólaalē. Uka úu ri nyu, insá uyē kapi ri n he.

Nsimé kapi Uléécaa icápine iyee Tiyatiiri-pɔ ní we n wáipɔ

18 A uléécaatumε yee Tiyatiiri-pɔ Uléécaa icápine kecáá ní páilē wáipɔ re Uléécaa Kepipi inipee yee ní we yare inalempi, keana an kɔ we yare nweni ηmɔhɔ sone ye maa re:

19 Ne mepówai ne mpóla ne mpófatenε ne pipókēi ne pipóηmóópú ne mepówai tɔrɔ meε mefoí kulúi n fe nyule.

20 Amá mmē kamí ne pɔ n cési yee re pɔ unósi Yesapeeli yee n tee re u antepu le riyá un pinékeikó kirasente re piké méwoo méwoo n wai pin kɔ inyónsesare le.

21 Ne u yálenle kelene re uké uakópe kepire rito, amá úu la uké uiwásánkaí mewai mē kepire rito.

22 Aa yē! Ne nní lē u ne pepee kesé iwásá n wai kefine kecáá sáne piké íwe píima li, in te ápi pimewai mē kepire rito.

* **2:17** Uléécaa iluke: Iyē kapi ye ppe sée re maani Méleepɔ ritelē kémeε: Méleepɔ 16:32-34.

23 Νέ τίγεςε api usiwā kóni. Uléécaα icápine nnéí yé पेε céri रे née ye usoi kemúnjé ne ulilala lee m pékaalē perei am céru. Ne kō nḡpá úye mewai kecáá ulikó u panε.

24 Amá nḡ Tiyatiiri pikó picō mpí, nḡo ye áni nní icélaα iyē n t́kilē, áni kō lē kapi n tee रे Setani likó lee m pékaalē ceri, ne maa रे ám nḡ ncōni nka ncō cōnsēne.

25 Amá ani lē kani nní m má anίpe keté m múilē ké ha ne पेεμε.

26 Uyεε n feriyε, uyεε menéwai rimmúlú ne kέtō-pō kam ŕnaηε kam unésáα kέmee m má panε. Uyē kam isoipuri kecáá ŕnaηε panε.

27 Uyεε keweninaapi ne isoipuri iyē sénine, uu kō i foresi yare sipérétúhu.

28 Né kō rimarewarεpi u he.

29 Uye un ukómε, uké lē ke Nfáasone nn Uléécaα icápine n símisi kutu ricō!

3

Nsímé kapi Uléécaα icápine iyεε Sariteesi-pō n we n wáipō

1 A uléécaatumε yeε Sariteesi-pō Uléécaα icápine kecáá m paílē wáipō रे uyεε Uléécaα yeε ifáα íseei ne awáρεpi aseei n te ye maa रे: Ne mepówai nyule. Pō rinyíri yenle रे pō nfáα má, némḡpákanε pō kpuwaalenle.

2 A nnōni kέmee yisi aa पेपेε n we pin kpi ikari waise ápi kapε ne n kḡí nnya. Am mepówai yē men Unéléécaα inίπεε-i nyaḿ ne meketō-pō.

³ Lẽ nnya, a lẽ kaa nsímé ní yǎsí ne lẽ kaa n kǒ léise aa akópe kepire tǒ. Pǎnsá n nyáni, ne sǒntile yare uyaa, áa yé peɛ céri itunje iyɛ-i kam yé pǒ rinkáikai.

⁴ Mpá ne lẽ, pǒ kǒ peɛ Sariteesi kei pisoɪ mále peɛ ápi piilũ mékperinkpe m póriinkɛɛ. Pi yé ilũ tomé tǎ, tǒ ne pẽ arí ne n sǒne re pi ne lẽ sá nnya.

⁵ Lẽ nnya, uyɛɛ n feriyɛ yé ilũ tomé tǎ, ám yé urinyiri nfáa ritelé * kémɛɛ tinnɛ. Né Unésáa ne piléecaatumɛ keyu-i u ceri re u unékó lɛ.

⁶ Uye un ukómɛ, uké lẽ ke Nfáasɔne nn Uléécaac icápine n símisi kutu ricǒ!

Nsímé kapi Uléécaac icápine iyɛ Filatelifii-pǒ ní we n wǒipǒ

⁷ A uléecaatumɛ yeɛ Filatelifii-pǒ Uléécaac icápine kecáa m paílɛ wǒipǒ re Uléécaac ukó ne Uyíkíyiki yeɛ Tafiti kehánne m múlɛ, Uyɛɛ ye n hánne úka úu yé ha peɛ n hánesi, Uyɛɛ ye n hánesi úka úu yé ha peɛ n hánne ye maa re:

⁸ Ne mepǒwai nyule. Aa yɛɛ, ne kepóyu-i ihánaa hánnɛle ke úka úu yé n fe uké hánesi. Li we re mpónaɲɛ rín piyɛ. Pǒ kǒ nnésímé rimúlúle áa kǒ rinényíri kesi.

⁹ Aa yɛɛ, ne Setani icápine pikó apónípe-i wainɛ. Pi ye maa re pi Pisuiɪ lɛ, ái kǒ peɛ lɛ. Pi kiraasele. Aa yɛɛ, né tíyɛɛe apí weri apí kepónyále-i wúla apí céru re ne peɛ pǒ lalɛ.

¹⁰ Kaa nní nnésímé mee ye rinɲmǒópúse rimmúlú nnya, nɛ né kǒ ipeikɛɛtunje iyɛɛ ketɛ nnéi kecáa n sǒnti iké ketɛ pikó peikɛɛ kémɛɛ pǒ rimúlú.

* **3:5** Filipu 4.3

11 Ne nfáani sóntile. A lē kaa m má anípe keté rimúlú úka úu kape ne lē kaa n feriyε api pó he pó n yósi nnya.

12 Né tíyεε Uyεε n feriyεε uu Unéléécaα Keyo kέmεε pansε nléri cire-cire, úu yé pεε pí kai kei le. Né ukecáá Unéléécaα rinyiri ne Unéléécaα kuyu rinyiri, Yerusalem fale yεε keyómεcaα-po Unéléécaα kέmεε n léeri woi, am ko rinényiri fale wolu.

13 Uye un ukóme, uké lē ke Nfáasone nn Uléécaα icápine n símisi kutu ricó!

Nsimé kapi Uléécaα icápine iyεε Lawutisee-po n we n wóipó

14 A uléécaatume yεε Lawutisee-po Uléécaα icápine kecáá ní páilē wóipó re Amí, úseérakó yεε aseí m má un ko uyíkíyiki, un ko lē nnéi ke Uléécaα uu n wa kekoraane ye maa re:

15 Ne mepówai nyule. Aa ninjú áa ko tolú. Amá pón pεé n fe póké n ninjú néε póké n tolú!

16 Lē nnya, kaa nní ní páipailē, áa ko ninjú áa ko tolú nnya, né kúúkeε am nnénó-i pó léséri.

17 Pó ye maa re: Ne umámá le, ne memá yénle, líka ái né párilē, áa ko pεε nyu re ipóco ye íwe wele, pón wariye, pón íwe má pón nyiinlē pón ko meηmane we.

18 Lē nnya kam mesəho pó kpálē te a kenémεε wura kapi n sáasi apí lolε cáká-cáká lo aa pεε pansε umámá, aa ko ilū tomé ləlu aa pεε n lapaalē, isei íi kape ne pó ní wa re po meηmane sóne nnya. Aa ko pite kapi ye inípeε rinékemí ləlu aa ipónípeε kemí póké ne n nyáni nnya.

19 Né, ne ye ne pē nnéi kam ní la césile am ko kutu pi pasa. Lē nnya, kape siká wa, a apókópe kepire rito.

20 Αα γῆε, νε ριῖῖῖῖ-i nyenule nen ihánaa pepu. Uye un menéṭē n kō, un tinῖῖῖῖ n hánne, né ukéyῖ-i lomῖ tó ne uyē ari kesé iluke le.

21 Uyee n feriyε kam tíyεsenε ari tinéyῖῖῖῖpitū kecáá kesé tone yare ke née n feriyε tó ne Unésáa tῖn kesé uriyῖῖῖῖpitū kecáá tū meῖῖ.

22 Uye un ukóme, uké lē ke Nfáasῖne nn Uléécáa icápine n símisi kutu ricῖ!

4

Uléécáa meyῖῖῖῖ ke keyómεcaa-pῖ pikῖ apí yóm

1 Lē memáá, am peé paí, am ihánaa inyine keyómεcaa-pῖ yenu in hánnelē. Am metē foí memεε peé ne né n símisi kom men tee re: A nté ritaáme ké lelεε masí kepire n waine pó nyíε.

2 Mεεε ne mεεε, Nfáasῖne nn kenécáá súiri am peε riyῖῖῖῖpitū tinyine keyómεcaa-pῖ yenu, unyine un tikεcáá tū.

3 Uyee n tū mewee ye nkpáni yare ripare ημέι-ημεί née ríwεé meῖῖ, kuwamenirí pῖῖῖῖ riyῖῖῖῖpitū tē kῖῖῖῖnúlē. Kumεwεe ye nkpáni yare mehóle ripare.

4 Ayῖῖῖῖpitū afεεré ne ana nyεε peε riyῖῖῖῖpitū tē kῖῖῖῖnúlē, piwéεε afεεré ne pina pin akεcáá tū, pin ilū tomé tántilē, pin ayῖῖῖῖῖῖῖ kapi ne wura n wa piayu kecáá kípilē.

5 Sikónεtéhε ne metē menyine ne ikónε pisenkeε ye peε riyῖῖῖῖpitū tē kémεε léentile. Sífiráa sisεei ye peε riyῖῖῖῖpitū tē keyu-mē torele nyaii. Si Uléécáa ifaa isεei le.

6 Linyine ye peε riyῖῖῖῖpitū tē metene wele yare sinípeenyáni-yelēpi seε mínimaa meῖῖ taηelē.

Lifáakó lina linyine læ kéyu-mẽ ne kepire-mẽ inípeε nípá yei n tóraankelẽ ye peε riyóopitū tẽ keεpe ne rimεkanεi wele.

⁷ Lifáakó foí ye wele yare kúkinaá. Lifáakó lírū ye kɔ wele yare rináapipi, lifáakó táánū p̄ó ne nkpráni yare li kesoiyu mále. Lifáakó náii p̄ó ne metuke maama mee n yósilẽ ne menyíne wele.

⁸ Lifáakó l̄ε kená ye mále améj̄ akpuulū akpuulū, inípeε in nípá yei tóraankelẽ. Api kéyu má ne pimáikeε ketúnj̄ε ne kesine re:

Usone círícírí, círícírí, círícírí yeε Upíima, Uléεca, Nnanε nnéi Ute.

Uyεε peé we, Uyεε we, Uyεε kɔ masí s̄nti.

⁹ Mpá píyei ke lifáakó l̄ε ai yé ha uyεε riyóopitū kecáá ní tū un kɔ nípá píyei we ríyu n waise, api ye urinyiri taáse api kɔ u p̄anese

¹⁰ piwéεse afεéré ne pina p̄ε p̄ó né ye peε uyεε riyóopitū kecáá ní tū metene riwula api uyεε nípá píyei ní we yáasi api peε riyóopitū keyu-i piayóopik̄εj̄ sá api re:

¹¹ Urópíima ne Uróléεca, pɔ ne sá re p̄oké ríyu ne rinyiri ne n̄nanε m má. Liriyíkí re p̄ó nípá yo wa, pɔ lalε liké n we. L̄ε nnya kai kɔ we.

5

Kesánpipi ye rítelé wúkule

¹ Am peé uyεε riyóopitū kecáá ní tū kunipe luke-luke kémeε rítelé rinyine yenu tin kepire ne kéyu-mẽ wólalẽ, api kɔ atópi aseεi rikεcáá wai apí ne wúkεsi re úka úu kapε rica.

² Am kə uléécaatumε nanε-nanε unyine yenu un yóólē lin cálē te: Wóo tu re uké rítelē tē wúkule uké kə tiatopi nyē fori?

³ Amá úka úu we keyómεcaa-pə nées ketē nté kecáá nées ketē metene yeε yé n fe uu ri wúkule nées uu ri nyáni.

⁴ Kei kam peε meyā tē ηmaa re úka úu tulaalē te uké rítelē tē wúkule nées uké ri nyáni nnya.

⁵ Uwéesε use uu peε né maa re: Kapε n tēni, a yē te Yuta pikó mpuri kémεε kukinaá, Tafiti kepirē ye feriyε. Ke yé fe ake rítelē tē wúkule ake kə atópi aseεi nyē foru.

⁶ Am kə riyóopitū tē kecəpe ne lifáakó lina lē kecəpe ne piwéesε pē kecəpe Risáηpipi yenu tin nyenu yare pi ne ri nyóonsε. Akóle aseεi ne inípeε isεei karí peε má. Lεεε Uléécaa ifaa isεei iyē kuu ketē nnéi kecáá ní túmεi.

⁷ Arí hapə ari uyεε riyóopitū kecáá ní tú kunipe luke-luke kémεε rítelē tē yósu.

⁸ Kuu rítelē tē piyóó ní masí, lifáakó lina lē ne piwéesε afeeré ne pina pē api sí apí ha Risáηpipi keyu-i wúla, mpa úye un kekénjé ne sinúmpí kapí ne wura n wa ne tulaali meyipε múílē. Uléécaa pikó keyomε kapí n yáási ye kē.

⁹ Api keyómε fale kenyine n yom te:
 Pə tula re pəké rítelē tē yási pəké atópi nyē fori,
 liriyíki re
 pi ne pó nyóonsεε aa mepónye ne mpa kumáre kúye
 ne mpa meyu méye
 ne mpa ayu áye písoi ne mpa nsoipuri ní-ye ayu ləlu
 aa Uléécaa pa.

¹⁰ Pə pi pansεεε n-yóopipuri pikó ne inyóonsε piwai peε

Uléécaá pikéi n wai. Pi sóntile piké keté kecáá iyóopi n tũ.

11 Am pée weri am piléécaatumé kulúí pée riyóopitũ ne lifáakó lē ne pikpure n kánēilē metē kom. Pinnéi ye lele píle píle ne kuwóó kuwóó ái kúkéentene we.

12 Pi pée cááile re:

Tisáñpipi kapí ne n nyóonse tee tulaalē te tiké rínanje ne memá ne mewéésesohó ne rikohó ne ríyu ne akéhe ne ipakare yósi!

13 Am pée lē nnéi ke Uléécaá uu n wa lin keyómecaa-pó ne keté kecáá ne keté metene ne mínimaa kéméé we kom lin tee re:

Uyee riyóopitũ kecáá ní tũ ne Risáñpipi pée akéhe ne ipakare ne

ríyu ne n-yóopinanje te nípa píyei-pó!

14 Lifáakó lina lē ai ye pée re: Amí! Piwéése pē api ye pée wúla api yáási.

6

Atópi akpuulū foi nyē mewúkule

¹ Amí paí, am yénu ke Risáñpipi ari atópi aseí nyē kémee rise n wúkule, am pée lifáakó lina lē lise kom, lin metē ne símisi yare ikóne pisenkee re: A kam.

² Amí paí am isā tomé yénu. Uyee i n tũ ye pée pitepe múílenle. Api piferiye ihēe u pa, uu yisi uú n tósu yare uyee n feriyē un kó tósu uké ha kó piferiye rikpá mecó.

³ Ke Risáñpipi ari ritópi lírū n wúkule, am lifáakó lírū kom ai semni re: A kam!

⁴ Isā icó yee n wáñne yare nna ii pée léeri. Uyee i n tũ uu rínanje yenu re uké keté kecáá nkínñinje lese

pisoi piké ne n kónaane nnya. Api kə kutéhe caacaa kunyine u pa.

⁵ Kari ritópi táanū n wúkule, am lifáakó táanū kom ai semni re: A kam! Amí paí, am isā ηmōho yenu. Uyee i n tū ye pee kemúnjé múilenle.

⁶ Am lifáakó lina lē kecəpe metē menyine kom, men tee re: Pi yé mesírēpipi menyine kemúnjécaripi kесе ne kekеiyaa kесе ihéé lo, api kə memúipipi simúnjécaripi sitaani ne kekеiyaa kесе ihéé lolu. Amá áni kape mékpə ne píta pó tica.

⁷ Kari ritópi náii n wúkule, am lifáakó náii metē kom te: A kam!

⁸ Amí paí am isā inyine yenu ne mehóle ntəne ipinje. Pi ye uyee i n tū sée re nkpə. Nkpə kuhore ye pee u tikilenle. Api ketē awélé ana kémee kuse kecáá rínanje yenu apí ne atéhe ne nkū ne itói ne licópii-cópii sisoipipi tékéé.

⁹ Kari ritópi núpū n wúkule, am kenyóənsētunipi metene pē kapi Nléécaasimé ne aseéra kapi n lése nnya m parii amíiri yenu,

¹⁰ pin pupukee lin cālē te: Sáa səne círicíri ne uyíkíyiki, hái ne keyo-pə kaa yé lē n nánaisə pəké kelenə túhaane pəké nsímései yē pəké pee ketē nké pisoi ntókpə kecáá kutu ripasa?

¹¹ Api pinnéi mmē mǐpá úye ketúkanka tomé pa, api kə pi maa re piké pee kə nkáripipi n wéntelē, pipikeicə ne pipimarəcə kapi piməcə n kónine piké ha pinnéi cápinəpə.

¹² Kari ritópi kpúúlū n wúkule, amí paí ketē ake yénesi ne rikəho. Itunje ii panse rinmóho yare kukpəsaŋaá, iwáre ii innéi panse yare ménye.

13 Κελέεσα awarepi aa πεε keteni-i póroiri yare κε kúfikiyee aku ye kuyó píima kέμεε kuapipi n tíye aa póroi μεε.

14 Κελέεσα ake wúkaapo yare rítelé kapi riwépi, ayópe nnéi ne míni κεράάράά sitē nnéi asi siketone-i yisikεε.

15 Ketē nté piyóopi ne piwéése ne atopi piwéése ne pimámá ne pináηe-naηe ne pilási nnéi ne πεπεε pimεcire n te api ayópe κεκάά apareποο kέμεε ne aparecaηaa sipáápáá pékesi.

16 Api ye πεε ayópe ne aparecaηaa maa re: Ani keró cáá lóime ani ró yárii táké uyee riyóopitū κεκάά ní tū ne Risáηipi kuwói ne ketaa wa.

17 Li we re pikuwói keyaa píima ye tuimele. Wóo yé fe uú lelu?

7

Uléécaá písoi ye ritii κεκάά Uléécaá nwói yási

1 Lē memáá, am πεε piléécaatumε pina pinyine yenu pin ketē awélé kena kέμεε nyenu. Ketē κεκάά ayó ana kapi πεε múlĕ te kuyó kúka áku kapε ne ketē κεκάά née mínimaa-i née kuléé kunyine κεκάά ní pi nnya.

2 Am kó uléécaatumε ucó yenu un ketuηeleeme-mē taámelē un Uléécaá yee nfáa n te nwói múlĕ. Uu cáái ai cá, uu piléécaatumε pina πεπεε ncée n yé te piké ketē ne mínimaa íwe wa maa re:

3 Ani kapε ketē née mínimaa née aléé rica hái ne kumúηé kpe-i kari yé Uróléécaá pikεikó atii nwói n wa.

4 Am πεε pē kapi nwói n wa nnéi kóm. Pi lele písoi ákotokú píle ne afεena ne ana (144.000) Isirayεeli pikó amare nnéi kέμεε.

⁵ Yuta kumare kémee, pisei ákotokú kefi ne até (12.000). Rupeni kumare kémee, pisei ákotokú kefi ne até (12.000). Kaati kumare kémee, pisei ákotokú kefi ne até (12.000).

⁶ Asee kumare kémee, pisei ákotokú kefi ne até (12.000). Nefitalii kumare kémee, pisei ákotokú kefi ne até (12.000). Manasee kumare kémee, pisei ákotokú kefi ne até (12.000).

⁷ Simeyoo kumare kémee, pisei ákotokú kefi ne até (12.000) Lefi kumare kémee, pisei ákotokú kefi ne até (12.000). Isakaa kumare kémee, pisei ákotokú kefi ne até (12.000).

⁸ Sapiloo kumare kémee, pisei ákotokú kefi ne até (12.000) Yosefi kumare kémee, pisei ákotokú kefi ne até (12.000) Penyamee kumare kémee, pisei ákotokú kefi ne até (12.000) kapi nwói wa.

Tisoiwuí píima tee Uléecaa keyúri n cápínelē

⁹ Lē memáá amí paí, am tisoiwuí píima rinyine yenu, tipisei ápi kúkeentene we. Mpá nsoipuri níye ne mpá kumare kúye ne mpá ayu áye ne mpá meyu méye pikó ye pi. Tiyóopitū ne Risánpipi keyu-i kapi pē nyenu pin sitúkanka caaca tomé tántilē pin atēpai muleilē.

¹⁰ Pi pē cááile lin cālē te: Uróléecaa ye riyóopitū kecáá ní tū ne Risánpipi pē tiróyu lo.

¹¹ Piléecaatume nnéi ye pē riyóopitū ne piwéese ne lifáakó lina keyu nyenule. Api wúla api ketē keyu tuhu api Uléecaa yáasi

¹² pin tee re:

Amí, Uróléecaa ye ipakare ne akéhe ne mewéesesohō ne ipōnese ne ríyu ne rínanje ne rikōhō mpá píyei-pō te. Amí!

13 Kei ke piwéese pē use uu rinóo yósí uu né maa re: Píye ye mpí pēe nní sitúkanka tomé tántilē pin ne méye leeri?

14 Am u pēse re: Unépiima, póo nyu. Uu pēe né maa re: Pēpēe íwe píima kémee n léeri ye pi. Pi pisitukanka caaca hēerele api risáñpipi menyē kémee si wárarase.

15 Lē nnya kapi Ulééca riyóopitū keyu-i we pin ukēyo-i ketúnjé ne kesine u yáasi. Uyēe riyóopitū kecáá ní tū yé pikecáá m paílē.

16 Nkū rín yé kō piwai pi rikpá, nnírē rín yé kō piwai pi rikpá, ntunje rín yé kō pinmákaa pi rikpá, kutói áku yé kō piwai pi rikpá.

17 Li we re Risáñpipi tēe riyóopitū kecōpe ní we yé ne pilúkei pi ha ari pi kpísi arí ne míni mee ye nfáa n he ihai kémee pi sí, Ulééca uu pēe pimēnini nnéi tinnē.

8

Titópi sééi-sééi mewúkule

1 Ke Risáñpipi ari ritópi sééi-sééi tē n wúkule, ai keyómeaca-pō séé léké-léké yare itunje nwai mekóónú welé kumúnjé.

2 Am pilécaatume pisēei pē yenu pin Ulééca keyu-i nyenu. Api anáatōñ aseēi pi pa.

3 Ulécaatume use uu pēé weri uu kenýóonsehúupi kecáá nyere. U pēe wura kecaripi ke-i kapi ye tulaali n ηmaasi múilenle. Api tulaali kulúí ne Ulééca pikó nnéi iyáhaa u pa re uké wura kenýóonsehúupi kee riyóopitū keyu-i ní we kecáá he.

4 Tulaali anyo ne Ulééca pikó iyáhaa ii ulécaatume anipe-i léeri ii Ulééca keyu-i taá.

5 Uléécaatumε uu pεε kecáripι ke-i kapi ye tulaali n ηmaasi kpísi uu kenýðonsehúúpi kέmee nna toru uu súúni meyipε uú ne ketē kecáá sápw, ikónε ii senkkeε, metē amε léenti, ikónε ii yékurente, ketē ake yénesi.

Anáatōh foí ana nyεε n tē

6 Pilécaatumε pisεei pεε anáatōh aσει m múlīē api pεε pimεcire cápine piké a ténσε.

7 Ufoí uu rináatōh ténσε, akónεparepi ne nna aí ne ménye cóhōne aí ne ketē kecáá lóiri. Ai ketē hōnεne metaani, ai kuwélé kuse torε múkú-múkú, ai kō aléé hóōnεne metaani, ai kuwélé kuse torε múkú-múkú, ai kō meyúí ηmú nnéi torε múkú-múkú.

8 Uléécaatumε lírū uu rináatōh ténσε. Ai riyópe ntōne rinyine tee nna ní torε mínimaa kέmee sápw. Ai mínimaa hōnεne metaani, kuwélé kuse aku panse ménye.

9 Ai liwaiwai nnéi lεε mínimaa kέmee ní we lin fafai hōnεne awélé ataani, ai kuwélé kuse nam. Ai kō áninōi hōnεne awélé ataani, ai kuwélé kuse nam.

10 Uléécaatumε táánū uu rináatōh ténσε. Tiwárepi maamaa tee iyúipuke mecō ní torε ari keyómεca-pō lóiri. Ikóι ne ínihōi kai hóōnεne awélé ataani, ari kuwélé kuse kecáá lólu.

11 Pi ye riwárepi tē sée re apisenti. Ai míni hōnεne awélé ataani, kuwélé kuse aku panse apisenti, pisoι kulúι api míni mee n tulesi nnya kpíni.

12 Uléécaatumε nāii uu rináatōh ténσε. Ai ituηε ne iwáre ne awárepi hōne awélé ataani ataani, ai nhpá yo kuwélé kuse pepu re awélé ataani nyē kέmee kuse kuké kuηmaha-i n we nnya, keyáa keké kemetéi

awélé ataani kémee kuse paa, kesine keké kə kemetéí
awélé ataani kémee kuse paa nnya.

¹³ Amí weríí, am metuke maamaa menyine yenu
men kelééca-pə yóósilē, men símisi lin cālē te:
Iwe, íwe, íwe ke ketē kecáá pikó api anáatón ke
piléécaatumē pitaani tərō mpi api n ténse nnya
topori!

9

Anáatón ataani tərō metense

¹ Uléécaatumē núpū uu rináatón ténse. Am pēe
riwárepi rinyine tēe pēe kelééca-pə n lóime keteni-
i yénu. Api mehóre menyine kehánne u pa.

² Uu mehóre mē wúkule. Anyə anyine yare kehúú
maamaa anyə aa mehóre mē kéméé léeri, itunje ne
kuyə aku mehóre anyə nyē nnya kuḡmaha cəni.

³ Apáani aa anyə nyē-i léeri aa keteni-i n we, ai
ketē kecáá inā nnaḡe ncə a he.

⁴ Ai pēe a ma a re áa kape meyúí née mepéi née
kuléé kunyine rica, amá písoi pēe ápi atii kecáá
Ulééca nwaí m má ḡmanē kaa yé rica.

⁵ Api ncée a he re aké pi kō. Amá pi re aké pi fikiise
iwáre inupū. Pifikiise pē mpəle ye we yare ke inā ii
ye nní usoi n tori mpəle ncə.

⁶ Písoi yé lisiyaa se-i nkpə wéési, ápi yé pēe n yē. Pi
yé n la piké kpí, amá nkpə nn wuru nn ne ketaa pi
wai.

⁷ Apáani nyee wele yare isā kapi n nyóonse piké
ne atəpi ha. Linyine yare ayóopikəḡ kapi ne wura
n wa ye pēe aayu kecáá wele, asiyu póon sisoipipi ne
menyíne we.

⁸ Annyúpi ye pɛɛ wele yare nnósinyúpi, aani yare ákinaá akó.

⁹ Aakin ye pɛé wele yare siwenitukanka kaa tanaalɛ, aaméj iwáa pón we yare sinóipi ke isá kulúii in n tórɔi in ne itóó ne atɔpi sí.

¹⁰ Aasele ye pɛɛ sinóopi mále yare anansele. Asele nyɛ-i ke annaɲe ní pɛé we aké ne písoi iwáre inupú kɛmɛɛ n fikiise.

¹¹ Auyóopi yeɛ akɛkpeɛ ní we yeɛ mehóre mɛ utumɛ. Urinyiri yeɛ Mɛ-ɛpiree kɛmɛɛ Apatá. Pi ye Mɛkireki kɛmɛɛ u sée re Apolá *

¹² Iwe meluke foí mee lɛ tómpɔ. Iwe meluke meté mee kɔ lɛ memáá pikáme kpane.

¹³ Ulécaatumɛ kpúúlú uu rináatón tɛnɛ. Am meté menyine kom men akóle ana nyɛɛ kɛnyónsehúúpi kapi ne wura n wa ken Ulécaa keyu-i we kɛmɛɛ-pɔ leeri.

¹⁴ Amɛ ulécaatumɛ kpúúlú uyɛɛ rináatón m má maa re: A pilécaatumɛ pina pɛpɛɛ nkói maa kapi ye n sée re Efiraati kɛcáá m pahaalɛ fénnɛ.

¹⁵ Api pɛɛ pilécaatumɛ pina pɛ fénnɛ. Pi pɛɛ itunɛ iyɛ-i ne keyáa ke-i ne iwáre iyɛ-i ne kuɲmɛ kpe-i pimɛcɪre cápɪnɛlɛnɛ piké keté hɔnɛnɛ metaani piké kuwélé kuse kpu.

¹⁶ Pisantonɛ kutɔpilee ye pɛé lele písoi afináɲ píle píle meté (200.000.000). Ne linnéi mmɛ konɛ.

¹⁷ Ne pɛɛ menéyɛnɛ kɛmɛɛ isá ne pɛpɛɛ i n túntilɛ yɛnɛ. Pi pɛɛ siwenitukanka tántɪlɛnɛ sin wɔɲnɛ yare nna néɛ yare rihúúhúúpare néɛ yare metuhuta. Isá ayu ye pɛé wele yare akinaá ayu. Nna ne ányɔ ne linyine yare nfúrɔ toi ye pɛɛ piinɔ-i léentilɛ.

* **9:11** Apatá ne Apolá aseɪ re ucókɔi, néɛ ucaainkɛɛ

18 Ai sisoipipi hōnene metaani, ásáláú ataani aa kuwélé kuse kóni. Ásáláú ataani nye nyee nní nna ne ányo ne nfúrō toi mee pee piinō-i n léenti.

19 Isã iyē nnanje ye iinō-i ne iasele-i wele. Iasele ye iwáa mecō wele. A áyu mále aa ye ne nkópe wai.

20 PISOI tōrō pē ke ásáláú nyē áa n kō ápi pimewai kópe kepire ritō. Ápi aníri ne piléé kapí ne wura ne nwóóweni ne nweni n̄mōhō ne apare ne ana n̄ serí ái ye kō fe liké yé, ái ye kō kō ai ye kō sōne piyáhaa tíye.

21 Ápi pipisoikō ne pimesepewai ne pimesoikpáráwai ne pipiyaa kepire ritō.

10

Kételepí kapi Yohani m̄ pa

1 Am pee uléécaatumē ucō yenu un n̄nanje má, un keyómecaa-pō cepimelē ahōo an u yariilē. Kuwamenirí ye pee uriyu kecáá wele, ukeyu ken we yare itunje, uana pōon we yare inalempi.

2 U pee kételepí kenyine kunípe-i múflenle ken wúkulelē. Uu kúna luke-luke mínimaa kecáá cōpu uu kumíi ntaai kecáá cōpu.

3 Uu pee meýá cáái ai cá yare kúkinaá kpee senkee. Kuu rincáái, ikónē ii semni meseei, nné nn kóm.

4 Ke ikónē ii meseei mē tinōo m̄ ma, an̄ n la ké wói, am keyómecaa-pō rinōo rinyine komti re: A ikónē meseemni meseei mē tinōo kefa-i rinyiki tiké m pékaalē, kape ri wai.

5 Uléécaatumē uyē kamí pee n yé un míni kecáá ne ketē kecáá nyenu uu keyómecaa-mē kunípe luke-luke síka.

6 Uu Uléécaa ye keyómecaa ne lelee kekemeē n̄ we ne ketē ne lelee kekemeē n̄ we ne mínimaa ne lelee

mekemee ní we n wapisi rinyiri séi uú ne wéeri re itunje íi kò nkpeni we.

⁷ Keyáa kē ke ulécaatumē sééi-sééi uú ha urinaatón n ténsene, Ulécaá kemúnjé nnéi kee m pékaalē ye ha waine yare kuú pee mekee-me linsímé upikeikó antepuye n símisi.

⁸ Metē mē kaní pee n kò men keyómecaa-pò né símaari, amē kò pimáa né kpá re: A n ñme a ha kétélepí kee n wúkulelē ulécaatumē yee mínimaa kecáá ne ketē kecáá n nyenu anipe-i yósí.

⁹ Am pee ulécaatumē uyē kuwéé-mē n sí, nen u tee re uké kétélepí kē né pa. Uu né maa re: A ke kpísi aa muuni. Ke yé ntule kefa súunu, amá ke yé mpónóo-i n láarú yare meté.

¹⁰ Am ulécaatumē kunipe-i kétélepí kē yósu am muuni. Ake nnénóo-i larisi yare meté, amá kam piluke ke ní masí, ake ntule kenéfa súúni.

¹¹ Unyine uu pee né maa re: Li pise re póké ha kò ne Ulécaá rinyiri lē kuu ayu meyã ne isoipuri ne meyu ne piyóopi kecáá n símisi pi ritéjse.

11

Piseérakó pité pē kecáá nstmé

¹ Api pee kekápí kenyine né múise yare kemúnjénaapi api né maa re: A yisi a Ulécaá keyo ne kenyónshúúpi musí, aa pēpee kei n yáasi keeni.

² Amá a kényáala kee Ulécaá keyo ketahai-mē ní we riyá, kape kē musí. Pi kē ne pēpee ápi ye Ulécaá m pakare riyále re piké Ulécaá kuyu teleise iwáre afeena ne ité.

³ Né pinéseérakóó pité pē he api Uléécaá rinyiri ne pisoí símisi pin ikpólū tántilē siyáa kúkotokú ne píle píle meté ne kuwóó ne kefi (1.260).

⁴ Píseérakóó pité pēpēē nní Olifiyee aléé até nyē ne sífiráa sitəsi sité sešēē ketē Upiima keyu-i n nyenu.

⁵ Unyine un n la uké pi caai, nna nn piinə-i léeri nn pipilaarə torē. Eēē, unyine un n la uké pi caai, li pise re piké lē u kpu.

⁶ Pi rínanē mále pin yé keyómēcaá tápisi re ikónē ii kapē kumúnjé kpē nnéí kēmēē kapí ne Uléécaá rinyiri n símisi cuunu. Pi kə rínanē mále pin yé míni rípólóse ménye, pin yé kə tíyese itóí ncəpuri ii ketē kecáá léeri kumúnjé kpe-i kapi rí la.

⁷ Pin píyēi piaseéra pilése m masí, ináme iyēē mehóre-i n léeri yé atəpí pi wa ii pi feriyē ii pi kóni.

⁸ Sisoikópe asi pēē kuyu maa kecəpe kəyaála-i n laikēelē. Pi múñeisenēle api yénu apí ne kuyu kpē séi re Sotəm née Esipiti. Kei kapí pēē Piupiima kunapéékóó kecáá karií.

⁹ Ayu nnéí kēmēē pisoí ne amáre nnéí kēmēē pisoí ne meyu nnéí kēmēē pisoí ne isoipuri nnéí kēmēē pisoí yé siyáa sitaani ne kuwélé kēmēē pi yē pin kpuwaalē, amá ápi yé ncée he piké nhóre nnyine kēmēē pi wa.

¹⁰ Lē kai nní pi n wa nnya, li yé ketē kecáá pisoí n láarú pin mpóonare-i we, pin lihēēheē pasiine re antepuyē pē keté ye pēē ketē kecáá pisoí fikiisele nnya.

¹¹ Siyáa sitaani ne kēwélé kē memáá, nfáa mēē Uléécaá kēmēē n léeri nn weri nn pi loni, api yisi api piana kecáá nyere. Iwame píima inyine ii pēē pēpēē pēē pi n nyáni loni.

12 Antepuyε pité pē api pεε rinóó cáca rinyine keyómεcaα-pó komti tin pi tee re: Ani nté ritaáme! Api pεε ahóó kέmεε keyómεcaα n taálē, pipilaaró api pi yenu.

13 Ketē ake liitunε iyε-i meγá yεhesi, ai kuyu hōnεne awélé kefi, kuwélé kuse aku foru aku lólu, ai ketē piyεηα pē kέmεε pisoι ákotokú aseεi (7.000) kopu, ai picó kewuu tóise api Uléεcaα yεε keyómεcaα-pó ní we ríyu waise.

14 Iwε meluke lírū mee lē tómpó. Metáánū ye nfáani sóntile.

Tináatón Séei-séei

15 Uléεcaatumε séei-séei uu rináatón ténse. Metē cáca menyine kulúι amε keyómεcaα-pó maari re: Ketē kecáá iyóopi ye Urópiima ne uyē kuu n wéε anipe-i ló. Mπά ne piyei-pó kuu yé iyóopi n tū!

16 Piwéεse afεεré ne pina pεpεε Uléεcaα keyu-i piayópitū kecáá ní tū api wúla apí kpará api Uléεcaα ríyu waise,

17 Pin tee re: Upíima Uléεcaα, nínanε nnéi ute yεε neni ní we un kó mekεε-me we, tó pó pōnεse re pó mpónanε piíma ne ipóyóopi tone nnya.

18 Isoipuri ye pεé ne kuwóι yisile ii nyεε. Amá kupówóι ye nkpréni yisile. Itunε iyε-i kaα pikpókpo nnéi ní túhaanεne ye nkpréni tule. Pipókeikó antepuyε, pē nnéi kaα n te, pē nnéi pεε ye rinwúla api ríyu pó waise, piwéεse née siwá yé nkpréni piihεε yosí. Li kó nkpréni tule re póké pεpεε ketē n kópu pó kó kó.

19 Uléεcaα keyó kεε keyómεcaα-pó ní we ake hánne, nkómεine kuú ne pisoι n sée kutakai aku ukεyó-i

léeri. Sikónetáhe ne metě ne pikónesenkee ne ketě piyenaa ne akóneparepi maamaa aa léeri.

12

Unósi unyine ne kúconcó

¹ Ai limáamaa linyine keyómecaa-pò lese ai nyíse. Unósi unyine lo yee ntunje n tanaalě un iwáre uana metene wailě, un kò riyóopikəh rinyine riyu kecáá kípilě, awárepi kefi ne até an tikecáá we.

² U pree kefa mále, un pree kémare-i memárenlò ne pupukee.

³ Ai kò linyine licò keyómecaa-pò lese ai nyíse. Lě ne kúconcó maamaa weé kunyine le yare nna. Ayu aseei ne akólé kefi kaku má. Ayóopikəh aseei nyee áyu nyě kecáá we.

⁴ Kurisele ari keyómecaa-pò awárepi həone metaani, ari kuwélé kuse keteni-i láumə. Kúconcó aku unósi yee pimáre n la keyu-i nyere, kun la re un kewá m mari, kuké ke muumpò.

⁵ Unósi uu kewántisi maru. Ketisi ye ke kee isoipuri nnéi ne n-yóopinəhə yare nweni m múine. Ai ukewā kě Uléecaa ne uriyóopitū-mě kpíipò.

⁶ Unósi uyě uu pree wuru uu kucesi kóima-i ke Uléecaa uu ketónə n nyóonse uu u yekei sí te piké kei u n kpínii siyáa kúkotokú ne píle píle meté ne kuwóó ne kefi (1.260).

⁷ Atəpi aa keyómecaa-pò wai, Miseli ne piléecaatumə picə api kúconcó atəpi wai, kúconcó ne kupitumə pòó kò atəpi leeri.

⁸ Amá ái kpekpee pree feriyə, api pree keyómecaa-pò piketonə paa.

9 Api ketē mmé ku láumε. Kúconcó píima kpekpeε iwáa kpure kapi ye n sée re kunírílá ne Setani. Kpekpeε ketē nnéí kecáá písoi kiraasente. Api ketē mmé ku láumε api kupitumε pś kə láluliri.

10 Am peε keyómεcaa-pə metē cάcά menyine komti, men tee re: Píyulale ne Uróléécaa nnaηe ne Uiyəopi ituηe ye kə nkpeni tule. Uyε kuu n wée n-yəəpinaηe ituηe pś ne kə nkpeni tule. Li we re pi unóomε yeε ketúnjé ne kesine Uróléécaa keyu-i pirómáρεcə kecáá nnóomε n wa piláumε masile.

11 Tisáηpipi menyε ne pinsímé kapí ne rikεcáá aseéra ní lese mee tíyεεε kapi u feriyε. Ai kə kpá, ápi peε pinfaa ne kutu cəłε liké ne wa re pi nkpə wuru.

12 Lε nnya liké pś n láárú, keyómεcaa. Liké kə nńó nní kekemεε ní we n láárú! Iwe ke pś ketē ne pś mínimaa ani topori! Li we re nókunéwéé-mē ke kuníri aku kuwói ne wehepəłε, kun nyu re ituηe kai ku n tise íi piyε.

13 Ke kúconcó aku n yé te pi keteni-i piláumε ku masile, aku peε unósi uyεε kewántisi m mári n lakasente.

14 Kei kai peε metuke maamaa menyine amérj keté unósi uyε pa re uké ne yóosi uké kucesi kóima-i ha, kei kapi yé ha kumúnjé kuse ne amúnjé anyine ne kumúnjé welé * kémεε u kpínii un iwáa ne ketaa we.

15 Iwáa ii innəə-i míni leseri yare nkói, ii unósi uyε kepire tikise re nkói mmē nké u rikpáú nké ne tómpə.

* **12:14** Kumúnjé kuse ne amúnjé anyine ne kumúnjé welé: Li we yare nnéí mmē kapi nté nní lē n sée ye lele aηmē ataani ne kuwélé.

16 Ketē ake unósi uyē come. Ake nnóo haa ake nkóí ke kúconcó aku kunnəə-i n léseme muumpə.

17 Kúconcó akú ne unósi uyē wóosi aku pɛɛ yisi akú ha upipirē nnéi ne pē nnéi pɛɛ Uléécaá isé ní múlīlē pin kə aseéra ke Yeesu uu n lése tikilē atəpi wai.

18 Aku pɛɛ ha mínimaa ritime nnyene kecáá tasi.

13

Ináme ité inyine nkó

1 Lē memáá, am pɛɛ ináme inyine yenu ne akóle kefi ne áyu aseɛi in mínimaa-i léeri in taámelē. Akóopipi kefi nyɛɛ akóle nyē kecáá we, Uléécaá alē pón pɛɛ áyu nyē kecáá wólaalē te anyíri.

2 Ináme iyē kam n yé ye pɛɛ ne kútoró menyíne wele, iipái yare keyúipəpi ikó, innəə yare kúkinaá nnəə. Kúconcó aku pɛɛ kunnəɛ ne kuriyəpitū ne rínanɛ píima ncə i pa.

3 Kei kam pɛɛ iriyu rise yē yare pi ti rifapile api kópu. Amá tiittoi iyē karí pɛɛ ne n kpine ii pélu. Lē nnya, ketē nnéi pikó api pɛɛ n káipi pin kahaankɛɛ apí ne ináme iyē tiki.

4 Api kúconcó yáási api wúla re ku ináme iyē rínanɛ he nnya. Api kə ináme iyē yáási api wúla, api re: Wóo ináme meɔ we, wóo yé kə fe uú ne i təpu?

5 Ai nnóo i he ii ye ne n tankeɛ in kə Uléécaá lámaankɛɛ. Ai kə rínanɛ i he re iké ne iwáre afɛɛna ne ité kémeɛ ipikei wa.

6 Ii nnóo wúkule ii Uléécaá lámaankɛɛ. Ii kə Uléécaá rinyiri ne ukeyə ne pɛpɛɛ keyómecaa-pə ní we lámaankɛɛ.

7 Ai kə ncée i he ricuruu re iké Uléécaá pisoi atəpi wa iké pi feriyɛ. Ai kə nḡpá nsoipuri ní-ye ne

μήπά kuyu kúye ne μήπά meyu méye ne μήπά kumáre kúye kecáá rínanje i he.

⁸ Ketē nnéi písoi pē anyiri nyee áa hái ketē kekoraane-me Risáñpipi kapí ne n nyóonse nfaa ritelé kémee n wólaalē yé i yáási api wúla.

⁹ Uye un ukóme, uké kó!

¹⁰ Lin úye n waimē re uké akpanii kēmeé n we, akpanii kēmeé kuu yé ha. Lin úye n waine re piké ne ritéhe u kpu, ritéhe kapí ne u kopune. Lē nnya ke Ulééca pikó api yé pinmóópú ne nfatene kéyu m mahani.

¹¹ Lē memáá, am kó ináme icó yenu in ketē-mē leeri. Akóle até kii pee má. Iyē akole ye wele yare isáñ akó in kó símisi yare kúconcó.

¹² Iyee pee ináme foí iyee mínimaa-i n léeme n-yóopinanje mále. Ináme foí yé n wele, ilírū nnyí in kó ne innanje keisi. Ii ye pee týese ketē ne kepísoi api ye ináme foí iyē yáási api wúla. Iyee pee itói yósi in yé péé ne i kpu, amá ii pélu.

¹³ I mewai píima wailē hái íi ne keyómecaa-pó ketē kecáá nna súiseri písoi nnéi inipee-i.

¹⁴ I mewai píima kai i n he re iké wa wale íi ne ináme foí iyē pikēi kémee fe ii ketē kecáá písoi nnéi kuyu-i tani. I ye pi maa re piké ináme iyee pee itói n yósi in yé péé ne kpu, amá in kó ne nfáa má keyu serí piké ne ríyu i waise.

¹⁵ Ai kó rínanje i he re iké ináme keyu kapi ní serí kémee nfáa wa keké ne n símisi, keké kó týese piké pepee piyáhaa ke n yúlu kó.

¹⁶ Iyee wa ke písoi nnéi, siwá ne piwéése ne pimámá ne píwekóó ne pepee pimécire n te ne pilási api kunípe née ritii kecáá nwóí má.

17 Uka úu ye fe uké linyine lɔ nées uké yáá, unsá linwɔi mmē ukecáá m má. Li yé fe ai ináme iyē tinyiri nées nnéi mmē kapi ye rinyiri tē n sée.

18 Nté kai mewéesesohɔ pise. Uyee mesohɔ m má uké kée uu nnéi kapi ye ne ináme iyē n sée ceru. Li we re nnéi mmē ye usoi rinyiri le. Mmee mee nní píle píle mekpүүлū ne kuwóó ne kefi ne mekpүүлū (666).

14

Pē ayu ke Uléecaa uu n lɔ keyome

1 Am pée paí, am Tisánpipi yenu tin Siyɔɔ riyɔpe kecáá nyenu, pisei ákotokú píle ne afena ne ana (144.000) nyē ne pē nnéi atii kecáá ke tirinyiri ne Tiusaa rinyiri ari n wólaalē pón kɔ kei we.

2 Am keyómecaa-pɔ metē menyine komti yare míni píima menyine mee wólu nées yare ikónē yee meyá semni. Nné mmē kam n kɔ ye we yare ke pikénépepe api ye sikéné ní pépu nné nɔ.

3 Pi pee riyópitū ne lifáakó lina lē ne piwéese pē keyu-i keyóme fale kenyine yomle. Uka úu ye pee fe uké keyóme kē peikee, insá pisei ákotokú píle ne afena ne pina (144.000) pē ayu ke Uléecaa uu ketē kecáá ní lɔ mecire pee ye fe.

4 Pisei pinyine ye pi pee ápi pinósiwélaa ne pimécire mékperinkpe m póriinkee. Api pinósi nyu. Tisánpipi kapi ye n tikilē nɔpá yei kari sí. Li pisei keɔpe piayu lɔle re piké n we yare melukeripi fói kapi ye Uléecaa ne Risánpipi n laanse mecɔ.

5 Nnómesimé nka nín kɔ piinɔ-i we. Nka nín we kapi yé ne pi n cési.

Pilécaatumē pitaani ye yóólē tē Uléecaa ye ne pisei túhaanene

⁶ Am kɔ uléécaatumε ucɔ yenu un keléécaa-pɔ yóósilē. Nsímé Kεcire tenεciré kuú pεε má uké ketē kecáá písoi ne nípá isoipuri íye ne nípá kumáre kúye ne nípá meyu méye ne nípá ayu áye riyóó.

⁷ U ye pεé male ai cá re: Ani Uléécaa n wuru ani ye kɔ ríyu u waise re itunε ye tulle uké ne písoi túhaane nnya. Lē nnya, ani ye uyεε keyómεcaa ne ketē ne mínimaa ne ínihɔi n wa yáasi ani wúla!

⁸ Uléécaatumε ucɔ uu melírū tiki, uu re: Ku loole, kuyu maa Papilɔni ye loole. Kpekpeε ayu nnéi kupita nírise. Kupita piníré pεε kuiwásánkaí píima kaku písoi n tā.

⁹ Uléécaatumε ucɔ uu μετάάνū pi tiki, uú male ai cá re: Uye un ináme ne ikeyu kapi ní serí n yáasi uu wúla, api nwói uritii kecáá née kunípe kecáá u wai,

¹⁰ pi yé kɔ uyē Uléécaa kuwɔi pita pεε ápi líka n cónhnelē kepóripi-i u súunu uu níru aí ha pεε nna kémεε ne linyine yarε nfúrɔ toi kémεε piléécaatumε pεε n cáká-cákálē ne Risánpipi keyu-i u n wukei.

¹¹ Nna mee pi n wúkei anyɔ aa pεε nípá píyei mesére n likirelē, pepεε ináme keyu-i ne ikeyu kapi ní serí n yáasi api wúla ne nkó yeε ritii née kunípe kecáá irinyiri nwɔi m má, ápi pεε ketúnjé ne kesine mewénte má.

¹² Lē nnya ke Uléécaa pikó pεε Uléécaa isé ní múlīlē pin kɔ Yeesu ne kefa tenelē api yé n ημόόπυλē.

¹³ Am pεε keyómεcaa-pɔ metē menyine komti men né tee re: A wɔi re: Kaí ne neni n kpísi, pepεε Upíima kupéneɔ kémεε n kpíni ye pínarekomε le. Uléécaa Nfaasone ye re lee ní mesei, li we re piiwe nnéi kapi ne nkpéni wénte re piké pimewai ihéé yósi nnya.

Pikpáa ne picáa nsímé ketē kecáá

14 Ανί παί, am ahóo tomé anyine yenu, unyine un ahóo nyē kecáá tũ un ne Usoi kepipi menyíne we. U pεε ríyu kecáá wura riyóopikóη kipilenle un kó kényale yelekó kuníε-i múílē.

15 Uléécaatumε ucó uu Uléécaa keyó-i léeri uu uyεε ahóo kecáá ní tũ maapó ai cá rε: A kepónyale fō aá kpasi. Ikráatuηε ye tule, li we rε iluke ye ketē kecáá pipele masile.

16 Uyεε pεε ahóo kecáá ní tũ uu pεε kényale fom, ai ketē kecáá iluke kpasi.

17 Uléécaatumε ucó uu Uléécaa keyó kεε keyómεcaa-pó ní we kémεε léeri. Uyē ne pεε kó kényale lari-lari múílenle.

18 Uléécaatumε ucó yεε nna kecáá nínaηε m má póo kenýóonse-i léeri uú ne uyεε kényale lari-lari m má símisi ai cá rε: A kepónyale yelekó kē fō aa ketē kecáá rεεσεε sipúkípi túúni rε rεεσεε ye pipele masí nnya.

19 Uléécaatumε uu ukényale ketē kecáá fóm, uu ketē kecáá rεεσεε kecare apipi túúni uu kupóri maamaa kpε-i ke Uléécaa kuwóai aku ní we súúni.

20 Ai kupóri kpē ne kuyu iyaa leepó ai ku pulu ai cérii, ménye amε kupóri kpε-i léeri amé taá hái ne isā akpaláa kecáá-pó, amε mecáa tóori yare kilometiri píle píle metaani (300).

15

Pilécaatumε ne ásáláú tóró

1 Am pεε limemáá keyómεcaa-pó limáamaa linyine kai n léσε ai nyíσε yenu ái kusímé we. Lελεε pilécaatumε pisεei pεε ásáláú aσεei tóró m múílē. Liriyíkí rε lελεε másunε Uléécaa kuwóai aku pεε níηεσι.

² Am kò linyine yenu yare sikáláúwélépi, lin tãnelẽ yare mínimaa, nna nn kò kèmeε còhanelẽ. Pẽpẽ ináme ne ikeyu kapi ní serí ne irinyiri nkεεnwɔi n feriyε api pẽε sikáláúwélépi sεε n tãnelẽ yare mínimaa kecáá n nyenu, pin Uléécaα kekéné múílẽ.

³ Uléécaα ukεikó Moisi keyomε kuú ne Uléécaα ríyũ n waisε ne Risãnpipi keyomε kapí pẽε yóm tε: Upríima Uléécaα, rínanε nnéi ute, Lẽ nnéi kaα n wa yε piyεε, ái kò kusímé we. Isoipuri nnéi uyɔɔpi, Kεpómújé yε kecíre wele Kεn kò nsímései tikilẽ!

⁴ Upríima, wóo yé fe uu yúlu rε úu yé pó wuri, Uu yé kò ripónyíri ritaáse? Li we rε mεpócíre póo cáká-cákálẽ. Isoipuri nnéi pisoι yε sántile piké kεpóyu-i riwula piké pó yáasi, Li we rε li sántile liké nyíse rε mεpówai yε kecíre wele.

⁵ Am pẽε lẽ memáá paí, am yénu Uléécaα keyo kèmeε kε kunyóonseεcánjí aku ní we kεn keyómεcaα-pɔ hánnelẽ.

⁶ Piléécaatumε pisεei pẽpẽε ásáláú aseεi m múílẽ api kenyóonse-i léeri. Asánjáá tomé sone yíkíyiki nyεε n tɛlu kapí pẽε lapaalẽ, pin kò rikínε kecáá wura atampála teriilẽ.

⁷ Lifáákó lina lẽ lise ali piléécaatumε pisεei pẽ wura siporipi sisεei pa, Uléécaα yεε níprá píyεi-pɔ ní we kuwɔi píima kun sikεmεε yipaalẽ.

⁸ Uléécaα mεyɔɔpi ne unnanε nnya, ányɔ αα kenyóonse yarii, piléécaatumε pisεei pẽ ásáláú aseεi nyẽ áá ha ne piwai másu, úka úu fe uké kenyóonse-i lompɔ.

16

Uléécaa kuwōi pīima siporipi sisēei

¹ Am pēe matē cācā mēnyine kom mēn kēnyōonse-i léeri mēn pilécaatumē pisēei pē tee re: Anī n ηme anī ha Uléécaa kuwōi pīima siporipi sisēei sē ketē kecāá kōnu.

² Ufoí uu tōmpō uú ha ukēporipi ketē kecāá kōni. Kúcapāá kōpe ne kupōle-pōle kunyine aku pisoī pēe ináme nwōi pikēcāá m má pin kō ikeyu kapi ní serī yáasi wai.

³ Ulírū uú ha ukēporipi mínimaa kēmēe kōni, amē panse yare ukpōkpō mēnye, lifáakó nnéi lēe mínimaa kēmēe ní we ai kpīni.

⁴ Utáánū uú ha ukēporipi ikóí kēmēe ne ínihōi kēmēe kōikēe. Linnéi ai panse mēnye.

⁵ Kei kam pēe kō ulécaatumē yēe míni kecāá rīnanje m má un tee re: Pō aseī tikilenle, pōo nní ní we, pōn kō pēe mekēe-me we, pōo nní n cāká-cákálē, kaa nní n túhaane nnya, pō aseī ute le.

⁶ Kapi pipókó ne antepuyē mēnye n kōikēe nnya kē pōo kō mēnye pi pa re piké n ntí. Lē kaí ne sá re piké pi wa!

⁷ Am pēe kóm lin kēnyōonse-i tee re: Pō Upīima, Uléécaa rīnanje nnéi ute, pipótúhaane ye nyamle pin kō aseī tikilē!

⁸ Ulécaatumē náii uu ukēporipi itunje kecāá kōni, ai ncēe i he re iké nna wa iké ne pisoī torē.

⁹ Kutóí pīima kunyine aku pisoī torē api Uléécaa yēe ásáláú nyē kecāá rīnanje m má lámaankee, amá api yúlu re api yé ηmurei piké mēfine conse piké ríyu u waise.

10 Unúpū uu ukeporipi ináme iyē tiyōōpitū kecáá kōoni, ukeyoōpitē áke kuñmaha cōni. PISOI API PEE NTÓOSI NE ANÍ N TAKAI.

11 API PEE ÍWE KAPI N LE NE ÁCAPAÁ KAPI N YÉ NNYA Uléécaá yee keyómecca-pō ní we n lámaankeε, amá ápi pimewai kópe riyá.

12 Ukpúúlū uu ukeporipi nkói maa kapi ye n sée re Efiraati kέmeε kōoni. Mmeni amε hósu liké ne ketuñeleeme-mē piyoōpi pee n weme ncée n tápilε nnya.

13 Am pee kúconcō nnō-i ne ináme nnō-i ne antepu nōme nnō-i yénu, aníri kperinkpekōó ataani anyine nyee ní we yare asahā an léenti.

14 Aníri anyine nyee mewai píima n wapisi ye nyε ke Setani uu tumpō. Ketē nnéi kecáá piyoōpi kέmeε kaa sónesi re aké pi cápine piké ha ne Uléécaá, hñanηe nnéi ute keyaa maa ketúnē atōpi wa.

15 Ani yē te né Upíima ne sónepōle yare uyaa. Uyee n tú un nyáni un umelape ukecáá wailē te úu kape meñmane sōne piké uisei yē ye únarekome le!

16 Aníri nyē aa piyoōpi pē cápine kelō kē kapi ye Mé-epiree kέmeε n sée re Harimaketō kέmeε.

17 Usééi-sééi uu ukeporipi keléécaá yáá. Metē cáca menyine amε kenyoōnse-i riyōōpitū kέmeε léeri, men tee re: Li piwai masile!

18 Ikónε ii yékurente, metē menyine amε léenti ne pikónesenkeε. Ketē áke yéñesi. Háí ke pISOI APÍ ne ketē kecáá ní weme, ketē áke pí kai limεcō meyá yēñaalē.

19 Ai kuyu maa hōñene metaani, ketē kecáá ayu nnéi pōó lólesi, Uléécaá uu pee kuyu maa Papilōoni kecáá léise uu ukuwōi píima pita keporipi ku pa.

20 Míni keπάάπάά sitē nnéi asi wúrunkεε, ápi ayópe pṓ piyénε rikpá.

21 Akónεparepi konε-konε aa keyómεcaα-pṓ leeri aa pisoι kecáá lólaari, an mulú yare aparεcaηaa. Pisoι api ppe ásáláú ke akónεparepi aa pi n wai nnya Uléεcaα lámaankee ke ntóosi nn meγíkiyiki ní tṓsí nnya.

17

Ketahai kapí ne Papilṓni n túhaanεne nkó

1 Lē memáá, piléεcaatumε pisεei pεpεε sipóripi sisεei m múílē use uú weri uú ne né símisi, uu re: A kam ké ketahai kapí ne uwásánkaí píima n túhaanεne pṓ nyíε. Kuyu píima kunyine ye ku kpeε míni píima ritime ní we.

2 Uyē ke ketē kecáá piyṓpi apí ne iwásánkaí wapisi, ketē kecáá pikó pṓṓ kṓ umεmare kpááree mē pita pomεsi.

3 Uléεcaα nfaα nn né loni, uléεcaatumε uu né kpísi uú ne kucεsi kóima-i sí. Kei kam ppe unósi unyine yē, un ináme wεé yeε m péirente kecáá tū. Uléεcaα alē nyεε ikεcáá pṓkṓrelē te anyíri, in kṓ áyu aεei ne akóle kefi má.

4 Unósi uyē ilū kuu n tanaalē ye íwεé nyaii le in kṓ peirente. U kṓ ppe wura ne apare sṓne ne ikólé néíkṓṓ wailenle. U ppe kṓ wura keporipi kunípe-i múílenle, ncaai riyíki ne mékperinkpe ncṓpuri mεε umεwai kpááree kémεε n léeri mēn ke yipaalē.

5 Tinyíri rinyine aseí nyεε m pékaalē ye ppe uritii kecáá wólaalenle re: Papilṓni, kuyu maα píima, piwásánkaí ne ketē kecáá mεwai kpááree riyíki uni.

6 Am unósi uyē yenu kuu Uléécaá pikó menyē ne pēpē Yeesu kecáá aseéra n lése menyē ní ntí un pomaalē. Kam u n yé, ai meýánsei nnóó né yipu.

7 Uléécaatumē uu pē né maa rē: Yo nnya kai yé nnóó pó yi? Né unósi uyē ne ináme iyē kecáá kuu nní ní tū in áyu aseei ne akóle kefi má aseí nyē m pékaalē pó símisi.

8 Ináme iyē kaa nní ní yé ye péé wele, amá íi nkpéni we. I yé nfáani nkpó kuhorē-i rikpáfúme íi ha ne méwoo sée. Ketē kecáá písoi pē anyiri nyē áa hái ketē kekoraane-me nfáa ritelé kémē n wólaalē api ináme iyē yenu, ai nnóó pi yipu rē ináme iyē péé we íi kó nkpéni we, in kó masí kpáfúmenē nnya.

9 Nté kai nkpéni píse rē usoi uké mesóhō ne mēwéesesóhō m pénelē un má: Ayu aseei nyē ayópe aseei kecáá ke unósi uyē uu n tū le. A kó piyóopi píseei le.

10 Pi pinupū iyóopi pilapile masile. Use ye ne iyóopi tunle. Ucō úu kahanē n ka. U sóntilē úu tonēne liké náñai.

11 Ináme iyē pē ní we íi kó pē nkpéni ní we pō ticuruu ye kó uyóopi páha-paha le. Iyē ne kó píseei pē kémēé wele, in tósu iké ha méwoo risée.

12 Akóle kefi nyē kaa n yé ye piyóopi kefi le, pē ápi kahanē keyóopitē timmúlú. Amá ítuñe mekóónú mēse kumúnjé ke akóle nyē áa ha ne ináme iyē kesé iyóopi tonēne.

13 Likéi líse kapi pinnéí lákasepō, pin pinnañe ne pin-yóopinañe kpísi pin ináme palē.

14 Pi yé Risáñpipi atōpi wa, Tisáñpipi ari pi feriyē rē ti pipíima Upiima le, tin kó piyóopi Uyóopi nnya.

Tisáŋpipi ne tipikó ke Uléécaá uu n sée uu kə pi wée pin ne aseí ri tikilē pós né kə pi feriyē.

¹⁵ Uléécaatumē uu kə pimáa né kpá re: Míni mē kaa nní ní yé, uwásánkaí uyē un meritime tū ye ayu ne asoiwuí ne isoipuri ne meyu le.

¹⁶ Akóle kefi nyē kaa nní ní yé ne ináme iyē yé uwásánkaí uyē ipuri yè, ai ulikó nnéí u yóoi ai meŋmane u yá. Ai uisare takai ai kə nna u toroise múkú-múkú.

¹⁷ Li we re Uléécaá ye piakin kémeē wa re piké umela wa piké kesé likei lise n lakasepə piké kə pin-yóopinane ináme pa, Uléécaá anə kuu ní ma aá ha ne wai.

¹⁸ Unósi uyē kaa nní ní yé ye kuyu maa kpekpe ke ketē kecáa piyóopi kecáa n-yóopinane m má.

18

Papiləni melólé

¹ Lē memáa, am uléécaatumē ucə yeé rinaŋe píima m má yénu un keyómecaa-pə súiri. Uriyu kuu m má metéí ame ketē kecáa kpáii.

² Uu meyá cáai ai cá re: Ku loole, kuyu maa Papiləni ye loole! Ku pansela aníri ketone ne nípá nfáa kperinkpekəó ní-ye ne nípá kenúipi kperinkpekəó kéye ke písoi ápi ní la ripəhə.

³ Li we re ketē kecáa isoipuri nnéí ye kumemare kpáaree mē pita n ntíle. Ku ne ketē kecáa piyóopi ye kesé mewai kpáaree wapisile, pikpéense pós kə kulimámákəó píima kémeē memá yénu.

⁴ Kei kam kə keyómecaa-pə metē mecə komme re: Pinésoi, ani kukeméé le, áni kape ne kesé kuakópe kémeē n lonaalē nəké ne ásáláú yé nnya.

⁵ Kuakópe ye ricúle áá ha ne keyómecaa kám, Uléécáa uu pee kumewai nnéi mee áme aseí m má kecáá léise.

⁶ Ani ku wa yare kaku ye picó n wa mecó. Ani kó kumewai kópe ku hééle meté. Ani kó píta pape-pape keporipi kaku ye picó n nírise api pom mpape mmé meté ku pa.

⁷ Yare kaku ríyu n wéési aku kumecire likókòrikó kémee pòlo mecó kani yé mpóocaaí ne íwe kémee ku ripòlo. Ku yé kukéfa-i maa re: Inósiyóopi kam nté le, ám ukúmannósi. Káii, ám píkaí nkpò yennune!

⁸ Lě ñmaa nnya ke ásáláú ase ase aa yé keyáa kesé kukecáá súime: Lelée itóí ne nkpò ne nkú, nna nn kó ku toré múkú-múkú. Li we re Upíima, Uléécáa yee ne ku n túhaane ye unaje-naje le.

⁹ Ku ne keté kecáá piyóopi nnéi pee kesé kumewai kpááree ne kulikókòrikós kémee n lonaalé yé kuitu té, pin ha n yé te kpekpee toré ke ányó aa nní léeri.

¹⁰ Kumpóocaaí píima yé iwame pi wa, api ketaapò nyere api ye pee téni re: Iwe! Iwe! Kuyu maa Papilóni, kuyu naje-naje, ituje mekónú mese kémee kapí ne pó túhaane ai máápó.

¹¹ Keté kecáá pikpéense pó ne kó ténile pin kó kpé nnya nkpò tú te úka úu kó we yee yé piyaalū apehe n ló nnya.

¹² Iyáalū apehe nye nyee nní wura ne nwóóweni ne apare sone ne ikólé ne asánjáá kecire ne asánjáá wéé nyaii ne asánjáá nyee n tēlu ne áwéé nyee m péirente ne aléé nyee kekphápi m má ne mpá yo kapí ne ásuni n wapisi ne mpá yo kapí ne ana kecire née ne nweni ñmòhò née ne apare tomé n wapisi

¹³ ne likalei-kalei lee m mílú ne kekphápi likó ne tulaali ne tulaali kapi ye n sée re miiri ne

tulaali ηmaa-ηmaa νε píta νε μέκρo νε ntō sōne νε melukepipi νε ináa νε isáη νε isã νε sisannōipi νε pilási νε sisoipipi sico.

14 Lẽ kaa n káipinkεε ye νε ketaa pó wale. Likókōrikóó νε lẽ nnéi lee n tēlu ye νε pó pōle. Ai nkpéni kúyene we!

15 Pikpéense पेε kpẽ nnya memá ní yé yé kuiwe píima iwame n wai api ye पेε ketaa-pō nyere api tēni, pin νε nkpō tū.

16 Pi yé maa re: Iwe! Iwe! Kuyu maa kpee asánjáá kecire ilū νε ilū wéé nyaii in kō peirente n lapaalē, kun kō wura νε apare sōne νε ikólé wailē ye iwe we kpa!

17 Itunε mekóónú mese kémee ke memá píima mē nnéi ame riséé.

Aninōi pitíkíi nnéi νε picéetōhē nnéi νε áninōi pikéikó nnéi νε पेपее míni kémee n keisi nnéi api पेε ketaa-pō n nyenu

18 pin pupukeε, pin kumetore anyō nyáni, api ye पेε re: Kuyu maa kúye kecire kpee पेε nkú tulaalē?

19 Api ye ntaai piayu kecáá kōni pin tēni, pin nkpō tū pin cáai re: Iwe! Iwe! Kuyu maa kpē likókōrikóó píima kémee ke áninōi pite nnéi पेε mínimaa kémee áninōi m má api memá ní yé ye itunε mekóónú mese kémee panselε kucesi kóima!

20 Lẽ nnya, liké keyómecaa pikó n láarú. Liké kō nó Uléecaa pikó νε pitume νε antepuyε n láarú re Uléecaa ye νε ku túhaanele ani alari yenu nnya.

21 Kei ke uléecaatumε nanε-nanε unyine uu ripare rinyine kpisi yare rináipare uu mínimaa kémee ri sápo, un tee re: Nní meco kai kuyu maa Papilōni mesóri láupōne, ári yé kō piyéne ku rikpá.

22 Api yé kə ketume kepóyo-i pikénépepe ne inyánlū ncəpuri pikó ne pisunsímaa ne pináatónsímaa pikóme rikpá. Api yé kə kei unyine piyéne rikpá un pinípekei pinyine wai, ápi yé kə unyine pikóme rikpá un nam.

23 Kéfiráa metéi áme kə kei pikpáii kpáne, ápi yé kə ula ne unósi úka metē kō. Lē nnya kápi yé nka kepóyo-i pikóme rinkpá yee re pipókó pee n kpéense pee pee ketē nnéi kecáa pináηe-naηe, aa kə ne mepósepewai isoipuri nnéi kíraasente nnya.

24 Ai kə yá, pi kə antepuyee ne Uléécaá pikó ne pē nnéi kapi ketē kecáa n kō menyee kepómee yénle.

19

Uléécaá yee ipakare te

1 Lē memáá, am pee linyine keyómecaa-pə komti lin calē yare riwúí metē te: Alelúya! Uróléécaá yee piyulale ne ríyu ne nnaηe Ute!

2 Upitúhaane ye nyamle pin kə asei tikilē. Lē kai m pise re piké túhaane kuu ye túhaane. U uwásánkaí píima yee pee mémare kpááree ne ketē n kópu túhaanele uú ne ukunipe upikeikó menyee mee n kəonu riwome héele.

3 Api kə melírū pimáa kpá re: Alelúya! Kuyu maa kpee n toré anyə aa yisi áá n taálē ne nnpá piyei-pə.

4 Piwéése afereé ne pina pē ne lifáakó lina lē ai yisi ai wúla ai Uléécaá yee riyóopitū kecáa n tū yáási ai re: Amí! Alelúya!

5 Metē menyine ame riyóopitū kémee léeri re: Ani Uróléécaá pakare, nń upikeikó nnéi ne nńo u n wuru, siwá ne piwéése!

⁶ Am pɛɛ linyine kom yare risoiwuí metē, yare nkóí maa nnyine mee wólu néɛ yare ikónɛ yee mesóri senkɛɛ, lin tee re: Alelúya! Upiima Uléécɛɛ, ńnanɛ nnéí ute ye uiyɔɔpi tunlɛ.

⁷ Liké ró n láárú tóké mpóɔnare piima-i n we tóké ne ipakare piima u pa. Tisanpiipi pinɔsikpiké anyá ye tuimele, tiunasi uu umecire cápine.

⁸ Asánáá sɔne melape mee n t́elu áme líka ćhɔnelē kapi u pa re uké t́á. Asánáá sɔne melape memee nní mɛwai sɔne ke Uléécɛɛ pikó api n wapisi.

⁹ Uléécɛɛatumɛ uu pɛɛ né maa re: A wáí re pē kapi Risánpiipi pinɔsikpiké anyá n sée ye pínarekome le! Uu pɛɛ kó lē memáá né maa re: Uléécɛɛ ricuruu anɔɔ ye nye!

¹⁰ Kei kam pɛɛ uana metene loó ké ne u yáási, amá uu né maa re: A mepóćire t́í, kape lē wa! Ne upókeico le nen kó pipómárecɔ pɛɛ Yeesu iseérakóó n le ukεico. A Uléécɛɛ yáási aa ẃula. Yeesu kecáá aseéra pilese yee re antepuyɛ ye aseí símisile.

Usantonɛ yee isā tomé kecáá ń t́í

¹¹ Kei kam pɛɛ keyómeɛɛɛ yé ken wúkulelē, isā tomé inyine in nyenu. Pi ye Uyee i n t́í sée re Asei ne Uyíkíyiki. Upitúhaane ne atópi kuu n wai ye aseí tikilenlɛ.

¹² Uinipɛɛ ye inalempi le. Ayóɔpikɔɔ kulúí nyee Uriyu kecáá we. U rinyiri mále tee n wólaalē, amá umemáá úka ucɔ úu ri nyu.

¹³ Kutúkanka caacaa kapi ményɛ rińfe kuu tanaalē. Urinyiri tee Nléécɛɛsimé.

¹⁴ Atópilee nyee keyómeɛɛɛ-pɔ ń we ye pɛɛ isā tomé túntilenle an ne u tikilē an kó asánáá sɔne tomé melape tántilē áme líka ćhɔnelē.

15 Titéhe rinyine ne meyele píh-píh ye unnò-i léemelenle uké ne keté kecáá písoi kó. N-yóopinaje yare nweni kuú ne pi múine uu kupóri maamaa kémee Ulééca, rínanje nnéi Ute kuwói píima pita pulu.

16 Tinyíri rinyine ye ukutukanka caacaa kecáá ne uritaa kecáá wólaalenle re: Piyóopi Uyóopi ne pipíima Upiima.

17 Am pree uléécaatumé unyine yenu un ntunje kémee nyenu. Uu cáái ai cá, uu sinúipi nnéi see keléécaa-pò n yóosinkeé séi re: Ani kam ani Uléécaa anyá píima kémee cápine,

18 ani piyóopi isare ne pitópiwéése isare ne píyukó isare ne isansare ne pisantone isare le, ani kò mpa píye, piyupipi ne pilási ne siwá ne piwéése isare le.

19 Am pree ináme ne keté kecáá piyóopi ne piatópilee yenu pin cápinelé te piké ha uyee isá kecáá ní tũ ne ukutópilee atópi wa.

20 Kei ke pẽ api pree ináme ne antepu nòome tí. U ye pree ináme keyu-i mewai píima n wapisile apí ne pepere inwói pikécáá mí má pin kò ikéyu kapi ní serí yáási pin wulai kiraasente. Api piketé kpísi ne pinfaa api nna kuhore kpe-i ke linyine ai ní we yare nfúrõ toi kémee sápo.

21 Api pitóròò ne ritéhe tee pree uyee isá n tũ nnò-i n léemelé kóni. Sinúipi nnéi asi pree piisare le ai si toru.

20

Anmẽ kukotokú kuse iyóopi metone

1 Kei kam pɛɛ uléecaatumɛ unyine yē un keyómecaa-pɔ súiri un mehóre kehánnɛ ne akpanii maamaa anyine kunípe-i muleilē.

2 Uu kúconcɔ́, iwáa kpure iyē kapi ye n sée re kuníri ne Setani tini uu paasi, aku lē m pahaalē aɲmē kúkotokú kuse kémee.

3 Uu mehóre kémee ku sáɔ́ uu kukecáá ká áku kapɛ kɔ ne pisoɪ n kiraasente hái ne aɲmē kúkotokú kuse kpē kuké ha ne tene nnya. Lē memáá, li pise re uké pɛɛ nkáripɪ ku fénnɛ.

4 Am pɛɛ ayóɔ́pitū yenu. Ai pepɛɛ akɛcáá ní tū rínanɛ he re piké ye ne túhaanɛ. Am kɔ pē kapi iso n corii re pi Yeesu ne nléecaasimé kɛcáá aseéra lese nnya amíri yenu. Am kɔ pepɛɛ ápi rinwúla piké ináme yáási, ápi kɔ inwɔɪ piatii nées pianipe-i má akó yénu. Api nfáa pɛɛri, pi ne Kirisi ápi kesé iyóɔ́pi tone aɲmē kúkotokú kuse.

5 Píkɔkpɔ picɔ́ ápi nfáa pɛɛmɛ hái aɲmē kúkotokú kuse kpē akú ha ne tene. Píkɔkpɔ kémee meyise foí ye mē.

6 Pepɛɛ píkɔkpɔ meyise foí mē kémee n yisi ye nkínɲɲɛ-i wele, pin kɔ Uléecaa pikó! Nkpɔ lírū rín pikɛcáá rínanɛ ríka má. Amá pi pansene pepɛɛ ye Uléecaa ne Kirisi inyóɔ́nse n wa. U ne pē ápi aɲmē kúkotokú kuse kpē kémee kesé iyóɔ́pi tone.

Pi Setani feriyɛ

7 Aɲmē kúkotokú kuse kpē kun ha píyɛi n tómpɔ, ápi pɛɛ Setani ukukpaniilee-i léseri.

8 Uu pɛɛ léeri uu isoipuri nnyí nnéi yeɛ mǵá ketē kuwélé kúye-i ní we cápɪnɛ, lelɛɛ Kɔɔki ne Makɔɔki re iké ukɛcáá rikpá uké ne atɔpi wa. I kulúɪ wele yarɛ mínimaa nnyɛnɛ.

⁹ Ii ketē nnēi kecáá yipu ii Uléecaa pikó ketōpikale ne ukuyu lala kekále wai. Amá nna nnyine nn keyómecaa-pō súiri nn i tore.

¹⁰ Ai Setani yee pee i n kírassente nna ne linyine yare nfúrō toi kupōre-i sápo. Kei ke ináme ne antepu nōome apí we. Ai pee i n fikiise ketúnjé ne kesine hái ne mḗpá píyei-pō.

Ketahai tərō pitúhaane

¹¹ Am pee riyōōpitū ne uyee rikecáá ní tū yenu. Ketē ne keyóme asi ukuyu-i wuru asi pékesi apí siana yē.

¹² Am pee pikpōkpō yenu, piwéése ne siwā, pin tiyōōpitū keyu-i nyéirilē. Ai átelé pereí ai kō rítelé ricō péré. Tereē nfáa ritelé. Pikpōkpō mewai ye átelé nyē kémee wólaalenle. Ai mḗpá úye mewai kecáá ne u túhaane.

¹³ Mínimaa ame pikpōkpō pee mekemee ní we leseri. Nkpō ne pikpōkpō kelō pōō kō pikpōkpō pee kei ní we leseri apí mḗpá úye mewai paí apí ne mekecáá u túhaane.

¹⁴ Ai nkpō ne pikpōkpō kelō kpísi ai nna kupōre-i sápo. Nna kupōre kpē, nkpō lírū ye mmē.

¹⁵ Ai mḗpá úye rinyiri tee ári nfáa ritelé kémee ní we kpísi ai nna kupōre-i sápo.

21

Keyómecaa fale ne ketē fale

¹ Am pee keyómecaa fale ne ketē fale yenu, keyómecaa foí ne ketē foí ye pitónjé masile lē, mínimaa áme kō we.

² Am kɔ Uléécɔa kuyu, Yerusalem fale yenu kun Uléécɔa kémee-pɔ leeri kun súiri, kun kumecire cápinelē yare unósi fale yee ula m mē.

³ Am tiyóopitū kémee metē cǎcǎ mēnyine komti, mēn tee re: Uléécɔa kunyóɔnsecǎnjí ye nkpéni nkú sisoipipi kémee. U yé pikeméé n we, api pansɛ upisoí, pi nɛ Uléécɔa ricuruu api pɛɛ kesé n we.

⁴ U yé pimēnini nnéí pi tinnente, nkpɔ rín yé kɔ piwée rikpá, nkpɔ pitone nɛ itu nɛ ntóosi rín yé kɔ n we, ke mēkēe-mē likó ai pitóhē ní masí nnya.

⁵ Uyee pɛɛ riyóopitū kecǎá ní tū uu pɛɛ né maa re: Pɔ yē, nɛ nǎpá yo pansesele lifále. Uu kɔ kpá re: A wǎi! Anóɔ nyē ye nsímései lē, lē kai kɔ lenɛ.

⁶ Uu kɔ pimáa né kpá re: Li piwai masile! Néé Ufoí nɛ Utóɔɔ, Kékoraane nɛ Kétɔ. Né nkó ke nníré nn ní we míni mee ye nfáa n he nhǎi pa faalaa.

⁷ Uyee n feriyē likó ye nní kuu n yénunɛ: Néé yé Uuleecaa, uyē uu kɔ kenépipi.

⁸ Amá piwamei nɛ pepɛɛ ápi asei n tǐkilē nɛ pepɛɛ icírí n wai nɛ pisoikɔ nɛ pepɛɛ méwoo méwoo n wai nɛ menírihélaawai pikó nɛ pepɛɛ piléé n nyóɔnse nɛ pinóɔmē nnéí ncɔpuri pɔ ketone ye nna nɛ linyine yare nfúrɔ toi kupɔɛ kéméé welɛ. Nkpɔ lírū ye mmē.

Yerusalem fale

⁹ Lē memáa, piléécaatumɛ pisɛɛi pepɛɛ pɛɛ sipóripí sisɛɛi m múlē use uú weri uu né maa re: A kam ké unósi fale pɔ nyíse, uyee Risǎhǎipipi unósi.

¹⁰ Kei ke Nfáasɔne nn kenécǎá súime, Uléécaatumɛ uyē uu né kpísi uú nɛ riyópe maamaa nɛ ricǎcǎ rinyine taá. Uu pɛɛ Uléécɔa kuyu,

Yerusalem yenu kun keyómecaa-pò Uléécáa kémee léeri kun súiri.

¹¹ Uléécáa mmule ye pɛɛ kukeméé wele, ku pɛɛ télule yare ripare sɔne kecire née yare ripare ημέι-ημεί kémee ke usoi uu ye umecire n nyáni yare keníɛenyáni yélépi kémee.

¹² Mmɛle maamaa ne ncáca nnyine ye pɛɛ ku kóónúlenle, sipoo kefi ne sité kapi n luri, pilécaatumɛ kefi ne pité pin si m̃. Isirayeli pikó imarepuri kefi ne ité iyē anyiri ye sikεcáá wólaalenle.

¹³ Sipoo sitaani sɛɛ ketuɲeleeme-m̃ nyáni, sitaani ituɲɛ kuluke-luke-m̃, sitaani ituɲɛ kumii-m̃, sitaani kecɔɔɛ, sitaani ketuɲelolé-m̃.

¹⁴ Akúipare kefi ne até kecáá ke kuyu mmele mm̃ ñ pɛɛ tósil̃, Tísañpipi pitumɛ kefi ne pité p̃ anyiri kefi ne até an apare nyē kecáá wólaal̃.

¹⁵ Uyee l̃ né n símisi ye wura kekprápi kapi ye ne mí musí múílenle uké ne kuyu ne kusipoo ne kummele múɲesi.

¹⁶ Kuyu awélé kena ye pɛɛ mecáa sále. Kumecaa ne kumεpéré ye pɛɛ sále. Uu kekprápi k̃ ne kuyu músu aí lelu kilomɛtiri ákotokú até. Kumecaa ne kumεpéré ne kumεcá ye pɛɛ sále.

¹⁷ Uu mmele p̃ k̃ músu, aí lelu apáha kuwóó ne afɛɛɛ né até kumúñɛ. Sisoipipi memúñɛ ne ulécaatumɛ memúñɛ ye mɛ.

¹⁸ Apare ημέι-ημεί kapi ne mmele m̃ɔ api kuyu p̃ ne wura yíkíyiki ηmane m̃ɔm, lin pɛé we yare síníɛenyáni.

¹⁹ Apare sɔne nnéi ncɔpuri kapi mmele akuipare kecáá karikεe rɛ liké pinyáni n nyamí. Tipare ημέι-ημεί kapi rikúipare foí kecáá wa, api kusóɔe rikó

rilirū kecáá wai, api míni kulúi rikó ritáánū kecáá wai api kə mehóle rikó rináii kecáá wai.

²⁰ Api ríwéé yare ménye rinúpū kecáá wai, api kə ríwéé rikpúúlū kecáá wai, api wura rikó risééi-sééi kecáá wai api risannye ntəne ripáha-paha kecáá wai, api metuhuta rikó ríléé-léé kecáá wai, api metuhuta ne mehóle cóhəne rikó rífifi kecáá wai, api ríwéé ntəne yare rihúúhúúpare kefi ne mese rikó kecáá wai, api mékəlóəta rikó kefi ne rilirū kecáá wai.

²¹ Sipoo kefi ne sité sē p̄ə ne ikólé kefi ne ité le. Nkólé nse nse kapí ne m̄pá ihánaa íye wa. Kuyu ripəhə p̄ə ne wura ηmanε le, lin peirente yare kenípeenyáni.

²² Am kei kunyóənsεcáηí yé. Upíima, Ulééca, rínanε nnéi ute ricuruu ne Risáηpípi pεε kuyu kpē kunyóənsεcáηí.

²³ Ai nkpáni pise re ituηε née iwáre iké kei metéi n wai. Li we re Ulééca meyoəpi metéi ye ku kpáiiilenle, kuiyuiPUKE yeε Risáηpípi.

²⁴ Ayu pISOI yé kumetéi kémeε sónε, ketē kecáá piyoəpi api kei ne pimεyoəpi həpə.

²⁵ Kε kesinε áke yéé kei píkai n wa nnya ke kusipoo ási yéé kə píkai n hánaalē.

²⁶ Lē nnéi leε isoipuri kémeε meyoəpi ne ríyu m má kapí ne kei sónεpə.

²⁷ Líkperinkpekó líka née usoi nkó yeε ncaai riyíki n wai un kə nnóəme má úu kei melonε má. Pē anyiri nyεε Risáηpípi nfaa ritelé kémeε n wólaalē mecirε pεε yé kei lompə.

22

¹ Uléécaatumε uu kə nkóii mmē-i ke nfáa nn rí we

né nyíse, nn we cáicái yare kenípeenyánai yelépi, nn Ulééca riyɔɔpitū ne Risánpipi kémee-pɔ leeri.

² Kuyu keɔpe kní pɛe wólu nn ne ncée maa tikilē, kulée kpɛɛ ye nfáa n he kun nsipéé keɔpe nyenu. Kefi ne meté kaku ye mari, aku ye nǐpá iwáre íye kémee apipi toresi. Kuapei yèè pisoì itóì pɔisele.

³ Anɔ́ áa kei líka kecáá we. Kuyu kémee ke Ulééca riyɔɔpitū ne Risánpipi riyɔɔpitū ari yé n we upikeikó pin kei u yáási.

⁴ Pi yé ukɛyu yē, Urinyiri ari kɔ piatii kecáá n wólaalē.

⁵ Kesine áke wene, áì yé kɔ kei kéfíráa metéì nées itunje metéì pise, ke Upíima Ulééca uu pi n kpáìilē nnya. Api pɛe iyɔɔpi n tū ne nǐpá píyei-pɔ.

Yeesu mekame

⁶ Uléécaatumɛ uu pɛe né maa re: Inɔ́simé iyē ye nsímései le. Lē kai kɔ lenɛ. Upíima Ulééca yee ye n tíyese antepuyɛ api símisi ye uuleecaatumɛ tummele re uké upikeikó lelee nfáani n waine nyíse.

⁷ Yeesu uu re: Nɔ́ yē, ne nfáani sónɛpɔle. Nkó yee kóso-pɔ nsímé mee rítelé ntí-i ní we m múílē ye únarekome le.

⁸ Né Yohani, nées mewai mē kɔ am kɔ yenu. Kam n yé am kɔ kom, am uléécaatumɛ uyee mewai né n nyísente ana-i lolu re ké u yáási.

⁹ Amá uu pɛe né maa re: A mepócíre tí, kape lē wa! Ne upókɛicɔ le nen kɔ pipómáreɔ antepuyɛ ne pepɛe rítelé ntí nsímé ní múílē ukeicɔ! A Ulééca yáási aa wúla!

¹⁰ Uu kɔ pimáa né kpá re: Kape lelee kóso-pɔ n waine nsímé ritelé ntí m pékaalē! Itunje ye tule re tinsímé mmē nké wa.

11 Nkó yee úu lisone n wai uké n nɔ́jlẽ úu kape lisone n wai. Nkó yee mékperinkpe m póriilẽ uké umecire mékperinkpe pipórii n kpáselẽ. Nkó yee lisone n wai uké lisone piwai ne kényu n sí, nkó yee ní nyaní cáká-cáká uké n nyaní cáká-cáká un ne kényu sí.

12 Yeesu uu re: Pɔ́ yẽe, ne nfáani sónepɔ́le. Inéhéé kamí ne wepɔ́ ké ńpá úye mewai kulaa u pa.

13 Née Ufoi ne Utóroo, Ukpéé ne Upírẽ, née kɔ́ Kékoraane ne Kétɔ́.

14 Ḿpí pɛe pisitukanka caacaa n heere piké ne kuléé kpee ye nfáa n he apipi n yé piké kɔ́ ne sipoo-mẽ tintíki piké ne kuyu-i lompɔ́ nnya ye pínarekome lɛ!

15 Amá pɛpɛe mɛpɔ́pi ní we ne menírihélaawai pikó ne méwoo méwoo mewai pikó ne pisoikɔ́ ne pɛpɛe piléé n nyóonse ne ńpá úye yee nnóome ní la un kɔ́ n wai piké léepɔ́!

16 Née Yeesu, ne unéléécaatumɛ tumpɔ́le re uké Uléécaa icápine kémee nó símisi re aseí ye nye. Ne Tafiti kumare kémee kewā pírẽ lɛ. Née rimarewarepi tɛɛ n tɛlu.

17 Nfáasone ne unósi fale ye maa re: A kam. Nkó yee lɛ n kɔ́ pɔ́oké kɔ́ maa re: A kam. Nkó ke nnírɛ nn ní we uké kam. Nkó yee míni mee ye nfáa n he ní la uké me yósi faalaa.

Tinóo tɔ́roo

18 Ḿpá úye yee kóso-pɔ́ nsímé mee rítelɛ ntí-i ní we n kɔ́ kam símisi re aseí ye nye. Uye un kei linyine rinkpáɔ́, Uléécaa yé ásáláú nyẽ kecáá kapi rítelɛ ntí-i n símisi liute uyẽ isoi kémee rikpáɔ́.

19 Uye un kɔ́ kóso-pɔ́ nsímé mee rítelɛ ntí-i ní we kémee inóosimé inyine n lese, Uléécaa yé liute uyẽ

likó lee kuléé kpee ye nfáa n he kémee ne kuyu kémee
ní we lese. Pi linsímé rítelé ntí-i símisile.

²⁰ Uyee n símisi re likéi lee aseí le ye maá re: Eee,
ne nfáani sónepole. Amí! A kam, Upíima Yeesu!

²¹ Upíima Yeesu uké nípá úye ípeelé nyíse!

Nkomine Fal Ritɛlé Sola New Testament

copyright © 2010 UEEB/SIM au Benin

Language: Sola (Miyobe)

Translation by: SIM International

Sola, Nkomine Fal Ritɛlé

This translation, published by the UEEB/SIM au Benin, was published in 2010.

If you are interested in obtaining a printed copy, please contact the SIM, BP 15, Parakou, Benin.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-10-02

1bac8ff9-a7c9-52ef-bb5e-7155dd6ba1a1